



Broj: 01-1809/19  
Sarajevo, 15.05.2019. godine

Na osnovu člana 69. stav (2) tačka d) i člana 70. stav (4) i stav (6). Zakona o javnim nabavkama („Službeni glasnik Bosne i Hercegovine” broj: 39/14), člana 136. Zakona o visokom obrazovanju („Službene novine Kantona Sarajevo“, broj: 33/17), člana 108. Statuta Univerziteta u Sarajevu, člana 28. Pravilnika o javnim nabavkama roba, usluga i radova Univerziteta u Sarajevu, broj: 02-17-1/19 od 25.01.2019. godine, Plana nabavki za 2019. godinu, dekan Fakulteta donosi sljedeću:

## ODLUKU

### o poništenju postupka nabavke usluge reprezentacije – organizacija iftara za potrebe Fakulteta

I

Poništava se postupak javne nabavke usluge reprezentacije – organizacija iftara za potrebe Fakulteta, putem direktnog sporazuma, jer dostavljene ponude nisu prihvatljive.

Ova Odluka objavit će se na web stranici Fakulteta kao ugovornog organa i to istovremeno s upućivanjem odluka ponuđačima koji su učestvovali u postupku javne nabavke.

II

Postupajući po Odluci dekana Fakulteta o pokretanju postupka javne nabavke za zaključivanje direktnog sporazuma za nabavku usluge reprezentacije – organizacija iftara za potrebe Fakulteta, broj: 01-1668/19 od 07.05.2019. godine, Komisija za javne nabavke je provela postupak direktnog sporazuma i pribavila ponude sljedećih ponuđača:

1. Restoran Sokak, ul. Dr. Mustafe Pintola 23, Ilidža, protokolisana pod brojem: 01-1761/19 od 13.05.2019. godine.
2. Hotel Hills Sarajevo, ul. Butmirska cesta 18, Ilidža, protokolisana pod brojem: 01-1762/19 od 13.05.2019. godine.
3. Hotel Hollywood, ul. Dr. Mustafe Pintola 23, Ilidža, protokolisana pod brojem: 01-1764/19 od 13.05.2019. godine.

Komisija je nakon pregleda i ocjene gore navedenih ponuda utvrdila da ponude nisu prihvatljive i ne odgovaraju zahtjevu Ugovornog organa. Naime, Ponuda Restorana Sokak, protokolisana pod brojem: 01-1761/19 od 13.05.2019. godine i Hotela Hollywood, protokolisana pod brojem: 01-1762/19 od 13.05.2019. godine, nije potpisana niti ovjerena pečatom, a ponuda hotela Hills, protokolisana pod brojem: 01-1764/19 od 13.05.2019. godine, jeste ovjerena pečatom ali nije potpisana. Nadalje,





Hotel Hollywood je dana 14.05.2019. godine, dostavio novu ponudu, protokolirana pod brojem: 01-1781/19, ali ista nije blagovremena, jer je dostavljena nakon proteka roka od tri dana (zadnji rok za dostavu ponude bio je 13.05.2019. godine), kako je to traženo u pozivu za dostavljanje ponude, broj 01-1696-1/19 od 09.05.2019. godine. Naime, poziv za dostavljanje ponude je dostavljen svim ponuđačima putem e-maila dana 10.05.2019. godine. Također, ponuda hotela Hollywood od 14.05.2019. godine glasi na organizaciju iftara na dan 22.05.2019. godine, a u pozivu za dostavljanje ponude je naglašen datum organizacije iftara dana 20.05.2019. godine. Imajući u vidu navedeno Komisija je jednoglasno dala preporuku dekanu za poništenje postupka javne nabavke.

Na osnovu prihvaćene preporuke Komisije za javne nabavke, broj: 01-1791/19 od 15.05.2019. godine i člana 69. stav (2) tačka d) Zakona o javnim nabavkama, donesena je odluka kao pod I.

**POUKA O PRAVNOM LIJEKU:** Protiv ove Odluke može se izjaviti žalba, u roku od 5 (pet) dana od dana prijema iste. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.



**Dostaviti:**

- Dekan
- Restoran Sokak, ul. Dr. Mustafe Pintola 23, Ilidža
- Hotel Hills Sarajevo, ul. Butmirska cesta 18, Ilidža
- Hotel Hollywood, ul. Dr. Mustafe Pintola 23, Ilidža
- Računovodstvo
- Sekretar
- Komisija za javne nabavke
- Safet Rašinlić za web
- a/a